

TARIKH	7/3/2015	MUKASURAT	5
HARI	SABTU	RUANGAN	DALAM NEGERI

Mangsa ketiga pencawang meletup meninggal

KUALA LUMPUR 6 Mac - Mangsa ketiga yang parah akibat kebakaran pencawang elektrik meletup di Taman Tan Yew Lai, Jalan Klang Lama, di sini, 23 Februari lalu, meninggal dunia hari ini.

Pengurus Besar Kanan (Hal Ehwal Korporat dan Komunikasi) TNB, Datuk Ir. Mohd. Aminuddin Mohd Amin berkata, Mohd. Zaidi Mohd. Shariff, 35, yang merupakan juruteknik syarikat itu meninggal di Pusat Perubatan Prince Court di sini

pada pukul 6.55 petang.

Allahyarham meninggalkan seorang isteri dan tiga anak.

"Seluruh warga kerja TNB ber-sedih atas pemergian ketiga-tiga mangsa. Kami kehilangan permata dalam kalangan warga kerja yang sentiasa komited menjalankan tugas," katanya dalam kenyataan di sini.

Dalam kejadian kira-kira pukul 11 malam itu, tiga warga kerja TNB melecur selepas suis rumah pen-

cawang meletup ketika mereka sedang melakukan kerja-kerja penyelenggaraan.

Selain Mohd. Zaidi, dua lagi pekerja TNB berkenaan ialah Mohd. Ruzairi Razali, 34, dan Norizan Abdullah, 59.

Mohd. Ruzairi meninggal dunia di Pusat Perubatan Universiti Malaya (PPUM) pada 25 Februari lalu sementara Norizan, meninggal tiga hari selepas itu.